

Служба обща

новомученику Российскому 20-го века единому

Вечер

На Господи, воззвах: стихиры, глас 2.

Подобен: **В**ними похвальными венцы:

Вними похвальными венцы / увязем страдальца Христова (имярек), / Церкви
Российския вернаго сына? / Иже устрашений безбожных не убоявся, / на
беззаконное судище взыде / и, яко древний мученик, о убийцах моляшеся,
вопия: // Господи, прости им, не ведят бо, что творят.

Вними достойными песньми / воспоем новомученика Христова (имярек)? /
Иже, заповеди Господни исполнив, / узы темничныя, труды горькия и
изгнания претерпе / и даже до смерти Христу верным пребысть. / Ныне же
молится даровати нам // мир и велию милость.

Вними песенными добротами / прославим новаго мученика Российскаго
(имярек)? / Иже, во страдании крепость явив, / силою Христовою безбожныя
одоле / и смертию своею воскресение Христово проповеда. / Ныне же у престола
Божия с лики новомученик предстонт // и молится спастися душам нашим.

Глава, глас 8:

Ище и убиша тело твое многострадальное, мучениче (имярек), / и кровь твою
неповинную пролияша нечестивии, / обаче душа твоя, яко птица, избавися от
сети ловящих. / Сего ради, святе, обрел еси покой в чертозех Небесных, / идеже
прославляеши Отца и Сына и Святаго Духа // Троицу Единосущную и
Нераздельную.

И ныне, Богородичен, глас тойже: Царь Небесный:

Вход. Прокимен дне. И чтения.

Пророчества Исанина чтение (глава 43):

Тако глаголет Господь: / вси языцы собрашася вкупе, и соберутся князи от них. / Кто возвестит сия в них? / Или, яже от начала, кто слышана сотворит вам? / Да приведут свидетели своя, и оправдятся, / и да услышат, и да рекут истину. / Будите Ми свидетели, / и Яз Свидетель, глаголет Господь Бог, / и отрок, егоже избрах. / Да познаете и веруете Ми / и разумеете, яко Яз есмь, / прежде Мене не бысть ни Бог, и по Мене не будет. / Яз есмь Бог, / и несть, разве Мене, спасаяй. / Яз возвестих и спасох, / уничижих и не бе в вас чуждый. / Бы Мне свидетели, и Яз Господь Бог, / и ещё от начала Яз есмь, / и несть от рук Моих избавляяй. / Сотворю, и кто отвратит то? / Сице глаголет Господь Бог, // избавляяй вас Святый Израилев.

Премудрости Соломоновы чтение (глава 3):

Праведных души в руке Божней, и не прикоснется их мучка. / Непщевани быша во очесех безумных умерети, / и вменися озлобление исход их. / И еже от нас шествие — сокрушение, / они же суть в мире. / Ибо пред лицом человеческим, аще и мучку примут, / упование их безсмертия исполнено. / И в мале наказани бывше, великими благодетельствовани будут, / яко Бог искуси я и обрете их достойны себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стевлю, потекут. / Судят языком и обладают людьми, / и воцарится Господь в них во веки. / Надеющиеся на нь разумеют истину / и вернии

В любви пребудут Ему, / яко благодать и милость в преподобных Его
// и посещение во избранных Его.

Премудрости Соломоновы чтение (глава 4):

Праведник, аще постигнет скончаться, в покое будет. / Старость во
честна не многолетна, / ниже в числе лет считается. / Седина же есть
мудрость человеком, / и возраст старости житие нескверное. /
Благоугоден Божии быв, возлюблен бысть / и живой посреде грешник
преставлен бысть. / Восхищен бысть, да не злоба изменит разума его /
или лесть прельстит душу его. / Рачение во злобы помрачает добрая / и
парение похоти пременяет ум незлобив. / Скончався в мале, исполни
лета долга, / угодна бо бе Господеву душа его, / сего ради потщася от
среды лукавствия. / Люди же видевше и не разумевше, / ниже
положше в помышлении таковое, / яко благодать и милость в
преподобных Его // и посещение во избранных Его.

На стиховне стихиры, глас 4.

Подобен: Яко добля:

Яко благий раб и верный, / собирая сокровище не гнущее, / но в живот
вечный пребывающее, / талант, врученный ти Господем, / мучением преумножил
еси, / страдальче славный (имярек), / и в радость Господа твоего вшел еси. /
Темже моли усердно // спастися душам нашим.

Стих: Праведник, яко Финикс, процветет, // яко кедр, ниже в Ливане,
умножится.

В нощи безбожных гонений / на Церковь Русскую / прииде испытати душу
твою Господь / и блаженнаго твоего раба, / бдяща во истинну обрете, / всечестне

мучениче (имярек). / И ктому нарече тя друга искренняго/ и сонаследника Царствия Небеснаго / и молитвенника тепла о душах наших.

Стих: Насаждени в дому Господни, // во дворех Бога нашего процветут.

Исполняются на мученицех слова Христова: / несть раб волнй Господа своего, / Мене изгнаша и вас ижденут. / Ты убо, мучениче доблий (имярек), / любовь совершенну стяжав, / душу твою за Христа положи еси / и блаженство изгнанных правды ради достиг еси. / Темже, ныне Престолу Божию предстоя, // моли спастися душам нашим.

Глава, глас 5:

Придите, мучениколюбцы вси, / благочестно воспоим Христова страстотерпца славнаго (имярек), / течение добре совершивша / и веру православную сохраниша. / Сей бо, безбожных козни сокрушив / и кровию своею Землю Русскую освятив, / от мира сего временнаго преставися к вечному / и от Вседержительныя десницы прият венец правды. / Темже сладости райскаго блаженства наслаждается / и Престолу Божию предстоит, // прославляя Троицу Единосущную и Нераздельную.

И ныне, Богородичен: Храм и Дверь еси:

Тропарь, глас 4:

Мученик Твой, Господи, (имярек), / во страдании своем венец прият нетленный от Тебе, Бога нашего, / имеяй во крепость Твою, / мучителей низложи, / сокруши и демонов немощныя дерзости. / Того молитвами // спаси души наша.

На утрени

По 1-м стихословни седален, глас 4:

Непоколебимъ во исповѣданнѣ веры пребыл еси, страдальче (имярек), / егда мучителне понуждаху тя отрещися Христа. / Темже смерть Того ради мужественне претерпел еси // и молитвенник теплый о душах наших явился еси.

Глава, и ныне, Богородице:

О Всепетая Богородице Владычице, / мучеников исповѣданне и венче, / Ангелы славимая и человеки воспеваемая, / и всего мира возжеленная Помощнице, // избави Церковь Русскую всякаго обстояния, Единая Благословенная.

По 2-м стихословни седален, глас 4:

Странствия люта доблественне претерпевая, мучениче (имярек), / евангельския заповѣди соблюл еси / и, яко добрый и верный раб, в радость Господа твоего вшел еси, / Иже воздаде ти по правде твоей // и яви людем Российским споворника неоворима.

Глава, и ныне, Богородице:

Стена неоворимая верным и мучеником похвала Ты еси, Богородице Дево, / к Тебе во прибегающе, невредими пребиваем и Усердную Молитвенницу и мамы. / Тем, благодаряще, вопием Ти: / радуйся, Благодатная, Господь с Тобою.

Величание:

Величаем тя, / страсноотерпче святыи (имярек), / и чтим честная страдания твоя, / яже за Христа // претерпел еси.

Псалом избранный:

Бог нам Прибежище и Сила, Помощник в скорбех, обретших ны зело.

Мене ждаша грешницы погубити мя, свидения Твоя разумех.

Глаголах о свиденнѣх Твоих пред цари и не стыдяхся.

Вси языцы обыдоша мя и именоваша Господним противляхся им.

Из на раны готов/ и бых язвен весь день.

Тебе ради умерщвляемся, вменихомся, яко овцы заколения.

Господь Утверждение мое и Избавитель мой, и уповаю на Него.

Крепость моя и пенне мое Господь, и бысть мне во спасение.

Ты, Господи, сохраниши ны и соблюдеши ны от рода сего и во век.

Искусила ны еси, Боже, разжег л ны еси, якоже разжизается сребро.

По полнеен седален, глас 4:

Скорби, слезы и страдания за Христа от безбожных братьий претерпев на земли, мучениче (имярек), / ныне жизни вечныя радостне у Престола Божия наслаждаешися // и молишися непрестанно о душах наших.

Слава, и ныне, Богородичен:

Непокколебимое Утверждение веры / и присное Прибежище душ наших, / Богородицу песньми величаем, вернии: / радуйся, Православия Ограждение, / радуйся, Земли Русския Покрове, // радуйся, Невесто Невестная.

Степенна, 1-й антифон 4-го гласа.

Прокимен, глас 4:

Господи, Тебе ради умерщвляеми есмы весь день.

Стих: **В**менихомся, яко овцы заколения.

Всякое дыхание: **Е**вангелие от Луки, зачало 63.

По 50-м псалме стихира, глас 6:

К Богу Вышнему Живому / воззва еси, мучениче добропобедне (имярек): / помилуй мя, Господи, / яко врази нечестивии попирают мя. / Той же избави

душу твою от смерти, / очи от слез и нозе от поползновения, / и со святыми
Земли Русския // во свете живых прослави тя.

Канон, глас 5:

Песнь 1

Ирмос: Коня и всадника в море Чермное, / сокрушай брани мышцею высокою, /
Христос истрясе, / Израиля же спасе, // победную песнь поюща.

Кровными мучении вшел еси в Небесная селения, (имярек) славне, / якоже древле
Израиль в землю обетованную, Фараоном гонимь. / Ныне же, Престолу Святыя
Троицы предстоя, // моли о чтущих святую память твою.

Русския Церкви сыне верный, (имярек) и страдальче изрядный, / ты сквозе огонь
и воду мучений победно прошел еси. // Темже и Господь Мучениколюбец
уготова ти покой вечный.

Сгда прииде на Землю Русскую година безбожия, / крепость во исповедании веры
и кротость во страдании явил еси, доблий мучениче, // моляся о убивающих тя.

Богородичен: Разрешися клятва, печаль преста, / Благословенная во и
Благодатная Богородица верным Радость породи, // — Христа, Спасенне мира.

Песнь 3

Ирмос: Водрузивый на ничесомже землю повелением Твоим, / и повесивый
неодержимо тяготееущю, / на недвижимем, Христе, камени заповедей Твоих, /
Церковь Твою утверди, // едине, Блаже и Человеколюбче.

Праведных души в руке Божией и не прикоснется их мучка, / — сею надеждою
укрепляемь, (имярек) крепкодушне, // телесная страдания мужественне терпел
еси.

Одеявся силою крестною, / противостал еси, (имярек) проливающим кровь неповинную / и не убоялся еси истину возвестити врагом Церкви Христовы.

Смятется Земля Русская, понеже беззаконно предадеса, / ты же, мучениче (имярек) преславне, / закон Божий невоязненно исполняя, // непоколебимь Царствия ради Божия явился еси.

Богородичен: Ты, Мати Божия, незреченно родила еси Сына, / от Отца прежде век рожденна. // Темже Тя, Богородицу, православно величаем.

Бедален, глас 3:

Глад, гонения велия, лишения различная, / скорби многия, тесноту и во узех горькия работы / мужественне претерпел еси от ненавидящих Господа, страдальче (имярек), / и ничтоже возможе различити тя от любве Христовы, / Егоже ради и смерть мученическую приял еси. / Мы же тя, яко теплаго представителя к Немю стяжавше, // достождно прославляем.

Слава, и ныне, Богородичен:

Кийждо, идеже спасается, тамо праведно и притекает, / и кое иное прибежище, яко Ты, Богородице, // отечества нашего Усердная Заступница.

Песнь 4

Ирмос: Божественное Твое разумев истощание / прозорливо Яввакум, Христе, со трепетом вопияше Тебе: / во спасение людей Твоих // спасти помазанныя Твоя пришел еси.

Сгда смятется Земля Русская, / ты, страдальче (имярек), яко добр воин Христов, / терпением потекл еси на предлежащий подвиг / и, багрянницею кровей одеявся, // мученически пострадал еси.

Понеже в малом верен раб явился еси, славне, / Господь вяцший дар ти вручи, / еже исповедати пред мучители Бога истиннаго, / Егоже ради и пострадал еси.

Попущением Божиим бысть гонение на Церковь Божию в стране Российстей, / ты же, мучениче, яко доблйи воин Христов, // непоколебимъ в заповѣдехъ Господнихъ пребыл еси.

Богородицен: Зачала еси, нетленно во чреве, Пречистая, / и без болезни Бога плотию родила еси, // и по рождестве Дева пребыла еси.

Песнь 5

Ирмос: Одейся светом, яко ризом, / к Тебе утреню, / и Тебе зову: / душу мою просвети, омраченную, Христе, // яко един Благоутробен.

Яко сын дне, на Небо душою твоею возшел еси, страдальче (имярек), / и Землю Русскую кровию твоею оросил еси. // Сего ради Небо и земля ныне тя совокупно величают.

Ни гонение лютое, ни узы темничныя, / ни работы горькия, ни скорбь, ни теснота / возмогоша тя отлучити от любви Божия, мучениче, // обаче, Христом укрепляемъ, вся препобѣдил еси.

Верен быв Церкви Божией, / и в чистоте соблюдая единство ея, / чуждался еси разделений, блаженне, // и присно молился еси о первоверховномъ Российстем.

Богородицен: Покров, Заступление и Утешение в напастехъ и злыхъ обстояннихъ Ты еси, Богородице. // Сего ради благодарственно Тя величаем.

Песнь 6

Ирмос: Неистовствующееся бурю душегленною, Владыко Христе, / страстей море украти, / и от тли возведи мя, // яко Благоутробен.

Вгда буря гонений одержаше корабль Церкви Русския, / ты, мучениче, невоязненне и неисходне в нем пребыл еси, // имея кормчаго Самаго Христа.

Бгда люди безбожнии востаха на Церковь Русскую, / ты, терпеливодушне, не
убоявся лишения, // верен даже до смерти Христу пребыл еси.

Бгда оклеветан бысть ближними твоими, святе, / в сердце зла никакоже на
оныя имея, молился еси: // Господи, не вмени им греха сего.

Богородице: Дева Пречистая, Христа, Младенца рождши, / во Египте изгнание
Иродово претерпе, / темже, страдания испытавши, // может и нам,
ведствующим, помощи.

Кондак, глас 5:

Верный сын Земли Русския явился еси, / новомучениче (имярек), / Христа,
Солнце Правды, возвещая / и безбожия тьму отгоняя. / Ныне же, сродники
твоя в Православней вере утверждая, // молися о душах наших.

Икос:

Что ты наречем, доблий мучениче (имярек): / изгнанника, яко дома и сродников
лишился еси? / Узника, яко темничныя узы претерпел еси? / Друга Божия, яко
ближним во страданиях помогал еси? / Исповедника, яко веру твердую явил еси?
/ Страдальца, яко муки испытал еси? / Ныне же, престолу Божию предстоя, /
сродники твоя в Православней вере утверждай // и молися о душах наших.

Песнь 7

Ирмос: Превозносимый отцев Господь, / пламень угаси, / отроки ороси, /
согласно поющыя: // Боже, благословен еси.

Бгда земля Русская поколебася грех ради наших, / явил еси твердое исповедание
веры, (имярек) премудре, // безбожия пламень угашая.

Общаго безумия и умов шатания чужд явился еси, мучениче (имярек), / обаче
любвию ко Христу распалаемь, // твоим страданием обличил еси безбожие.

Злобу и ругательства мучителей претерпевая, (имярек), / утвердила еси стопы твоя, яко на камени, / имея в сердце глагол Христов: // буди верен до смерти и дам ти венец живота.

Богородичен: Единуambo Ипостась во двою естествоу, Богомати, родила еси, Бога и Человека. / Темже, вернии, с любовию возопним: // благословенна Ты в женах еси, Всенепорочная Владычице.

Песнь 8

Ирмос: Тебе Вседетелью, / в печи отроцы всемирный лик сплетше, пояху: / дела всякая, Господа пойте, // и превозносите во вся веки.

Сгоже отроцы в печи воспеша, / Той и ты, страдальче, в пламени гонений сохрани, взывающа: // благословен еси, Боже, отец наших.

Слагая в сердце твоем глагол Христов, / еже не боятися убивающих тело, души же не могущих убить, / мужественне на подвиг страдания потекла еси, святе, взывая: // благословен еси, Боже, отец наших.

Аще и предашася поруганию и осквернению святыни земли Русския, / обаче не изнемогла еси душею / и тверд в вере пребыла еси, (имярек), взывая: // благословен еси, Боже, отец наших.

Богородичен: Зрящи Сына Твоего, Пречистая, в земли нашей поругаема безбожники, / Церковь Русскую не оставила еси ходатайством Твоим, достойно взывающу: // радуйся, Благодатная, Господь с Тобою.

Песнь 9

Ирмос: Исане, ликуй, / Дева име во чреве, / и роди Сына Еммануила, / Бога же и Человека, / Восток Имя Ему: // Сгоже, величающе, Деву ублажаем.

Славу единому Богу воздал еси, / Иже славящия Сго прославляет, / темже роди русстии ты ублажают, // мучениче (имярек) приснопамятне.

Страдания твоя и смерть мученическая, блаженне, / свидетельствовала любовь твою ко Христу, Сыну Божию. / Темже, ныне жизни вечныя наслаждаяся, // молися о нас, любовию твю прославляющих.

Победным венцем увенча твю Христос Бог, / Бже возлюбил еси и Бже ради кровь твою пролил еси. / Бже ныне прилежно молися, / Православию в земли нашей утвердитися // и душам нашим спасение улучити.

Оружием благоволения венча твю Господь, мучениче всечестне (имярек), / и даде тебе силу на безбожныя гонители. / Темже и ныне, яко добр воин, // споборствуй Церкви Русстей на враги многия.

Богородичен: О, Царице Многопетая! / О, Владычице Державная! / Не остави нас милостию Твоею, // с новомученики Российскими Твю величающих.

Светилен:

Тьмы безбожия отвратився, / страдания за Христа претерпел еси, достохвальне (имярек), / ныне же во светлостех святых с новомученики ликовствуя, // моли спасти и просветити чада Церкви Русския.

Глава, и ныне, Богородичен:

Отжени тьму греховную душ наших / и к свету заповедей Христовых направи, Путеводительнице истинная, // да, покаянием очистившеся, гласы благодарственными Твю величаем.

На хвалитех стихирь, глас 5.

Подобен: Радуйся:

Радуйся, новомучениче прехвальне, (имярек), / истинный сыне Святых Церкви, / во всеоружие Христова облеченный / и веры ради до крове подвижавыйся. / Ты, гонители благословляя, глагола еси: / аще и тело мое убьете, / душу же не

возможете различити от любве Божия, / яже о Христе Исусе. // Егоже моли спасти и просветити души наша.

Радуйся, страдальче изрядный, (имярек), / истинный Христов подобниче, / Крест Господень на ramo приемый, / и в годину гонений лютых на Церковь Русскую пострадавый. / Ты бо, поношенный не убояся, / лишения, узы и работы горькия ничтоже вмени еси / и смерть яко приобретение жизни вечныя со Христом / достойно и радостно сретил еси. // Егоже моли спасти и просветити души наша.

Радуйся, мучениче достохвальне, (имярек), / кровью страдальческими обогранный, / присный о нас предстателю / и теплый к Богу молитвенниче. / Ты, ныне престолу Божию предстоя, / с лики новомученик и исповедник Российских / о земнем Отечестве твоём ходатайствуеши / и Христу песнь благодарственную приносиши. // Егоже моли спасти и просветити души наша.

Слава, глас 8:

Славою и честью нетленною / венча Господь многострадальную твою главу, / яко посреде безбожных гонений лютых, / дал еси славу хвале Его, / мучениче доброповедне (имярек), // Церкви Русския удобрение.

И ныне, Богородичен, глас тойже.

Подобен: О, преславнаго чюдесе:

Срадуются с нами умная вся Чиноначалия, / лик духовный совокупльше, / видяще Царицу и Владычицу всех, / многоименне верными славимы, / радуются же и души праведных, / сущии зрители видения, / на воздусе Свои рuce молебно простирающу, / просящу умирения миру // и спасения душам нашим.

Славословие великое и отпуст.

На Литургии

Блаженна от канона, песни 3-я и 6-я. **Прокимен, глас 4:** **Аще** пойду посреде сени смертных, не убояся зла, яко Ты со мною еси. **Стих:** **Господь** посет мя и ничтоже мя лишит. Апостол к Тимофею, зачало 292 (2 Тим. 2, 1-10).

Аллилуиа, глас 6: **Живый** в помощи Вышняго, в крове Бога Небеснаго водворится. **Стих:** **Речет** Господеви: Заступник мой еси и Прибежище мое, Бог мой и уповаю на Него. Евангелие от Иоанна, зачало 52 (Ин. 15, 17-27).

Причастен: **В** память вечную будет праведник:

Молитва

О преславный и добропобедный мучениче Христов (имярек), истинный воин святыя Церкви, сродником твоим земным похвало и украшение. Ты, не убоявся безбожнаго гонения, веру Православную даже до крове исповедал еси, страдания же твоими образ верным подая, вратами правды в Царство Небесное вшел еси. Темже молим тя, якоже некогда молитвою твоею ко Господу силу претерпети страдания стяжал еси, тако и ныне молися, да подаст нам Господь силу заповеди Его животворныя соблюдать, и да избавит нас от уз греха и безбожия, Отечество же наше да сохранит в Православии до скончания века. **Аминь.**